

Vaughan Gething AC

Y Gweinidog Iechyd a Gwasanaethau Cymdeithasol

Julie Morgan AC

Y Dirprwy Weinidog Iechyd a Gwasanaethau Cymdeithasol

15 Hydref 2019

Annwyl Weinidogion

Cyllideb Ddrafft Llywodraeth Cymru ar gyfer 2020–21

Diolch i'r ddau ohonoch am gytuno i ddod i'n cyfarfod ar 5 Rhagfyr i gyflwyno tystiolaeth mewn perthynas â chyllideb ddrafft Llywodraeth Cymru ar gyfer 2020–21.

Er mwyn cynorthwyo'r Pwyllgor yn ein paratoadau, byddwn yn ddiolchgar pe byddech yn rhoi gwybodaeth mewn perthynas â'r materion a nodir yn Atodiad 1 i'r llythyr hwn, ynghyd ag unrhyw wybodaeth arall a fydd, yn eich barn chi, yn cynorthwyo'r Pwyllgor â'i waith.

Byddai'n ddefnyddiol pe gallech ddarparu eich papur cyn ein cyfarfod, erbyn 22 Tachwedd.

Yn gywir



Dai Lloyd AC / AM

Cadeirydd / Chair



Atodiad 1

Cais gan y Pwyllgor Iechyd, Gofal Cymdeithasol a Chwaraeon i'r Gweinidog Iechyd a Gwasanaethau Cymdeithasol a'r Dirprwy Weinidog Iechyd a Gwasanaethau Cymdeithasol roi gwybodaeth i lywio'r gwaith o graffu ar y gyllideb ddrafft ar gyfer 2020–21.

Sylwadau ar y camau gweithredu a manylion am ddyraniadau'r Llinell Wariant yn y Gyllideb

- Dadansoddiad o ddyraniadau'r Prif Grŵp Gwariant ar gyfer Iechyd a Gwasanaethau Cymdeithasol 2020–21 yn ôl Maes Rhaglenni Gwariant, camau gweithredu a'r Llinell Wariant yn y Gyllideb.
- Dyraniadau dangosol y Prif Grŵp Gwariant ar gyfer Iechyd a Gwasanaethau Cymdeithasol 2021–22.
- Sylwadau ar bob un o'r camau gweithredu yn y Prif Grŵp Gwariant ar gyfer Iechyd a Gwasanaethau Cymdeithasol, gan gynnwys dadansoddiad ac esboniad o'r newidiadau rhwng Cyllideb Ddrafft 2019–20 a'r Gyllideb Atodol Gyntaf (Mehefin 2019).

Yn ychwanegol at y pedair thema arferol, sef gwerth am arian, blaenoriaethu, gwariant ataliol a fforddiadwyedd, hoffai'r Pwyllgor gael gwybodaeth am y canlynol (lle nad yw eisoes wedi'i chynnwys yn y sylwadau ar bob cam gweithredu):

Perfformiad ariannol byrddau iechyd lleol

Y wybodaeth ddiweddaraf am y pedwar bwrdd iechyd sydd wedi parhau i fethu â chyflawni eu dyletswyddau ariannol, a sut y mae Llywodraeth Cymru yn eu cefnogi i helpu'r sefyllfa hon.

Llesiant cenedlaethau'r dyfodol

Tystiolaeth o sut y mae Deddf Llesiant Cenedlaethau'r Dyfodol 2015 a'r pum ffordd o weithio wedi dylanwadu ar ddyraniadau'r gyllideb ar gyfer Iechyd a gofal

cymdeithasol. Mae gan y Pwyllgor ddi-ddordeb arbennig mewn cael manylion ynghylch sut y bydd y gyllideb, yn y dyfodol, yn gwneud y canlynol:

- blaenoriaethu atal/ymyrryd yn gynnar ym maes iechyd a gofal cymdeithasol;
- cefnogi dull cyllido cynaliadwy, tymor hwy ar gyfer gwasanaethau gofal cymdeithasol;
- hyrwyddo integreiddio gwasanaethau iechyd a gofal cymdeithasol;
- sicrhau gweithlu iechyd a gofal cymdeithasol cynaliadwy;
- lleihau a rheoli gwariant ar staff asiantaeth;
- lleihau anghydraddoldebau iechyd, a sicrhau mynediad teg at wasanaethau iechyd a gofal mewn ardaloedd gwledig.

Trawsnewid

- Rhagor o wybodaeth am sut y mae Llywodraeth Cymru yn bwriadu ariannu trawsnewid gwasanaethau yn y tymor hwy (hynny yw, y tu hwnt i gyfnod y Gronfa Trawsnewid, sef 2 flynedd), er mwyn sicrhau y gellir cynnal cynnydd ar yr agenda drawsnewid.
- Sut y bydd y gyllideb hon yn helpu i ddatblygu dull gweithredu 'system gyfan' o ran iechyd a gofal cymdeithasol, fel y nodir yn *Cymru Iachach*.
- Wrth bennu ei chyllideb, sut y mae Llywodraeth Cymru'n sicrhau cydbwysedd rhwng yr angen i fodloni pwysau presennol ar wasanaethau a'r angen i'w trawsnewid a datblygu modelau newydd o ofal.

Gofal sylfaenol

- Y gyllideb a ddyrennir ar gyfer gwasanaethau gofal sylfaenol, a sut y mae hyn yn cymharu â'r symiau a ddyrannwyd yn ystod y tair blynedd diwethaf. I ba raddau y mae hyn yn cyflawni nod y polisi, sef symud gofal o ysbytai i leoliadau gofal sylfaenol/cymunedol.

Iechyd meddwl

- Blaenoriaethau gwasanaethau iechyd meddwl dros y tair blynedd nesaf. Dyraniadau/gwariant rhagamcanol ar gyfer cyflawni'r rhain.
- Sut y bydd y gyllideb hon yn sicrhau mwy o gydraddoldeb rhwng iechyd meddwl ac iechyd corfforol, fel y nodir yn *Cymru Iachach*.

TGCh

- Aseiad cyfredol ynghylch costau gwireddu gweledigaeth Llywodraeth Cymru ar gyfer digidol a data, fel y nodir yn *Cymru Iachach*.

Ymadael â'r Undeb Ewropeaidd

- Gwybodaeth am ddyraniadau'r gyllideb yn eich portffolio o ganlyniad i ymadawiad y DU â'r UE.